

Yeshua, Esun Ungi di Israel i Juda; Su Konfiansa !!!

Felipe a haña Natanael i a bis'é: "Nos a haña Esun di Kende Moisés a skirbi den e Lei i di Kende e Profetanan tambe a skirbi Yeshua di Nazarèt, yu di Jose." (Juan 1:45).

Yeshua: e Lei, e Enseñansa di Dios Tata!!!.

E ora ei Jakòb so a keda; anto un Hòmber a lucha kuné te ora dia a habri. I ora ku EL a mira ku E no tabata por a Vense Jakòb, EL a mishi ku skarnir di su hep; asina e skarnir di Jakòb su hep a sali for di lugá, ora ku E tabata lucha kuné. E ora ei EL a bisa: "LagaMi bai, pasobra dia ta bai habri." Ma Jakòb a bisa: "Lo mi no lagaBo bai si Bo no Bendishonámi." Pesei EL a bisa Jakòb: "Kon ta bo nòmber?" I el a bisa: "Jakòb." I EL a bisa: "Bo nòmber lo no ta Jakòb mas, sino Israel; pasobra bo a lucha ku Dios i ku hende, i bo a Vense." E ora ei Jakòb a puntr'E i a bisa: "Pa fabor, bisami Bo Nòmber." Ma EL a bisa: "Pakiko bo ta puntraMi Mi Nòmber?" I EL a Bendishon'é ayanan. Pesei Jakòb a yama e lugá ei Peniel, pasobra el a bisa: "Mi a mira Dios kara kara; sinembargo, mi Bida a keda Preservá." (Génesis 32:24-30).

Anto Moisés a bis'E: "Si Bo Presensia no ta bai ku nos, no hiba nos for di akinan. Pasobra kon por ta konosí anto ku mi a haña Grasia den Bo Bista, ami i Bo pueblo, si no ta pasobra Abo ta bai ku nos? Asina nos, ami i Bo pueblo, lo keda distinguí for di tur otro pueblo ku ta riba e superfisio di tera." I SEÑOR a bisa Moisés: "Tambe e kos aki di kual bo a papia, lo Mi hasi, pasobra bo a haña Grasia den Mi Bista i Mi a konosébo pa nòmber." E ora ei Moisés a bisa: "Mi ta rogaBo, mustrami Bo Gloria!" I EL a bisa: "Ami mes lo laga tur Mi Bondat pasa bo dilanti, i lo proklamá e nòmber di SEÑOR bo dilanti; i lo Mi muestra Grasia na esun ku Mi kier muestra Grasia, i muestra Kompashon na esun ku Mi kier muestra Kompashon." Tambe EL a bisa: "Bo no por mira Mi Kara, pasobra ningun hende no por miraMi i keda na Bida!" (Éksodo 33:15-20).

Yeshua ta Dios Tata Su Konfiansa!!!

"Ma abo, Israel, Mi sirbidó, Jakòb, ku Mi a skohe, Desendiente di Mi amigu Abraham, abo ku Mi a kohe for di e finnan di tera, i Mi a yama for di su lugánan di mas alehá, i a bisabo: 'Abo ta Mi Sirbidó, Mi a Skohebo i no a Rechasábo. No tene miedu, pasobra Mi ta ku bo; no desmayá, pasobra Mi ta bo Dios. Lo Mi Fortalesébo, sí, lo Mi Yudabo, sí, lo Mi Sostenébo ku Mi man Drechi di Hustisia.'

Yeshua ta un Israelita!!!

Un Israelita tin un pais, ku Dios Tata a duna; Israel. Un Israelita tin e nashonalidat di Israel, di Dios Tata. Un Israelita tin un Nòmber ku Dios Tata a duna; Israelita. Dios Tata ta e Israelita Su Dios. Dios Tata a trese e Israelita Su Mesias; Yeshua, Esun Ungi pa Nos tur; Israelita i no-Israelita, por tin un Futuro Briante.

20 desèmber 2020

Sea Bendishoná ku e Amor di Dios Tata; Yeshua Mesias
Un Fiel Sirbidó di Dios,
Remsly L Riley.